

Dagskrá 62. fundar háskólaráðs Háskólans á Hólum, haldinn í stofu 303 þann 21. maí 2019, kl. 13:00-14:50.

Þessir fulltrúar sátu fundinn:

Ingibjörg Sigurðardóttir, fulltrúi Háskólans á Hólum,

Jón Eðvald Friðriksson, fulltrúi Háskólans á Hólum,

Laufey Skúladóttir, fulltrúi Mennta- og menningarmálaráðuneytis,

Sveinn Ragnarsson, fulltrúi Háskólans á Hólum, varamaður Stefáns Óla Steingrímssonar,

Sjöfn Guðmundsdóttir, fulltrúi Háskólans á Hólum, varamaður Sveins Margeirssonar og

Erla Björk Örnólfsdóttir, rektor Háskólans á Hólum.

Dagskrá:

1. Gæðastefna háskólans, kynning og afgreiðsla.
2. Vinna að sjálfsmatsúttekt háskólans, kynning.
3. Kynning á fjórum fulltrúum sem heimsækja HH dagana 19.-21. nóvember.
4. Aðlögun á nafni Háskólans á Hólum.
5. Gildi Háskólans á Hólum.
6. Önnur mál.

Dagskráin var borin upp til samþykktar og fundargerð síðustu fundar var samþykkt.

Gengið til dagskrár.

1. Gæðastefna háskólans, kynning og afgreiðsla.

Rektor kynnti drög að gæðastefnu Háskólans á Hólum. Sveinn Ragnarsson, deildarstjóri Hestafræðideildar, skýrði frá forsendum vinnu við gerð gæðastefnu skólans, sem m.a. kemur inn á skipulag kennslu og rannsókna. Sveinn hefur, ásamt Bjarna Kristófer Kristjánssyni, deildarstjóra Fiskeldis- og fiskalíffræðideildar og prófessor Skúla Skúlasyni, unnið þessi gæðastefnudrög. Nokkrar umræður urðu um gæðastefnuna, sem háskólaráðsfulltrúar samþykktu.

2. Vinna að sjálfsmatsúttekt háskólans, kynning.

Rektor skýrði frá skýrsluriton sjálfsmatsstefnu Háskólans á Hólum sem tíu fulltrúar starfsmanna vinna nú að. Í skýrslunni er lögð áhersla á gæði skólastarfsins og áætlun til að auka gæði hans enn frekar. Skýrslan á að vera tilbúin fyrir 10. september.

3. Kynning á fjórum fulltrúum sem heimsækja HH dagana 19.-21. nóvember.

Rektor kynnti þá fjóra fulltrúa úttektarnefndar sem heimsækja Hóla á haustmánuðum til að meta skólann. Formaður nefndarinnar, Crichton Lang, prófessor við University of the Highlands and Islands í Skotlandi, heimsækir Hóla þann 25. september.

Aðrir úttektaraðilar koma í Hóla dagana 19.-21. nóvember. Þau eru Ägot Aakra, deildarforseti Fakultet for kjemi, bioteknologi og matvitenskap í Ås í Noregi, Susan J. Hunter, prófessor emeritus í University of Southern Maine í Bandaríkjunum og Kerstin Norén, prófessor emeritus í Göteborgs Universitet í Svíþjóð.

4. Aðlögun á nafni Háskólans á Hólum.

Rektor lagði til að frá og með 1. september 2019 verði ensku nafni skólans breytt úr Hólar University College í Hólar University. Hólaskóli Háskólinn á Hólum verður notað áfram þótt lögð verði áhersla á að tala um Háskólann á Hólum. Háskólaráðsfulltrúar samþykktu þessa tillögu.

5. Gildi Háskólans á Hólum.

Rektor kynnti umræður og niðurstöður starfsmanna um grunngildi Háskólans á Hólum. Þau ættu að vera: fagmennska, virðing, sköpun.

Fagmennska. Við Háskólann á Hólum er unnið af vandvirkni, ábyrgð og virðingu fyrir viðfangsefnum til þess að ná árangri í kennslu, rannsóknum og námi.

Virðing er borin fyrir akademísku frelsi, viðfangsefnum, samstarfsmönnum, nemendum og umhverfi.

Sköpun. Háskólinn á Hólum er vettvangur náms, rannsókna og fræðslu sem mótar einstaklinga til skapandi verka.

Háskólaráðsfulltrúar féllust á þessi gildi skólans eftir nokkrar vangaveltur.

6. Önnur mál.

Erla Björk Örnólfsdóttir, rektor, greindi frá því að sent hefði verið skriflegt erindi til Mennta- og menningarmálaráðuneytis þess efnis að rektor fái áheyrn ráðherra um málefni skólans og framtíð hans. Beðið er svars við erindinu.

Spurt var um hvort margir kennarar væru í hlutastörfum við skólann. Svo er og dæmi nefnd um kennara sem eru í 20% og 50% störfum og vinna einnig við aðra háskóla, eða stofnanir. Þrátt fyrir lítið starfshlutfall felst í því styrkur að haga málum með þeim hætti, bæði fyrir tengslanet og samstarf í rannsóknarvinnu og einstaklinginn.

Uppbygging á menntatengdri ferðaþjónustu yfir sumartímenn eflist enn. Í sumar koma hópar nemenda í vettvangskennslu frá Indiana University, College of Charleston, San Diego University og University of Southern Maine.

Fundi slitið.

Fundarritari var Sigríður Sigurðardóttir.